



PAHAYAGAN NG PARTIDO KOMUNISTA NG PILIPINAS
PINAPATNUBAYAN NG
MARXISMO-LENINISMO-MAOISMO

Bayan

Espesyal nga Isyu

Edisyong Hiligaynon

Disyembre 31, 2000

Nahanungod sa Pagpangbomba sa Metro Manila

**Pahayag sang Komiteng Tagpatuman sang Komite Sentral
Partido Komunista ng Pilipinas**

Isa ka padihot nga yawan-on ang mga sundanay nga pagpangbomba sa lima ka publikong areya sa Metro Manila sadtong ika-30 sang Disyembre 2000. Bilog kahugot ini nga ginakondena sang Partido Komunista ng Pilipinas kag rebolusyonaryo nga kahublagan.

Bilog kahugot man nga ginakondena namon ang buraghal nga pagtinguha sang Malakanyang nga basolon ang rebolusyonaryo nga kahublagan bisan wala sang ano man nga imbestigasyon kag bisan ang mga hitabo kag sirkunstansya nagapasayod sang lubos nga kabaliskaran.

Wala sang kahalabtan sa kapintasan nga ini ang rebolusyonaryo nga kahublagan o ano man nga bahin sini. Ginapromisa namon sa mga pamilya sang mga biktima kag sa pumuluyo nga pagahimuon sang rebolusyonaryo nga kahublagan ang tanan nga lab-ot sang

masarangan agud tumuron kag bug-os nga pagbayaron ang utok kag mga kriminal sa makangilil-od nga krimeng ini.

Sa pagkamatuod, ang Malakanyang, si Joseph Estrada mismo kag mga basalyos niya nga umid sa mga pagkapintas nga pareho sang sa Kuratong Baleleng, ang mga numero unong suspek nga may pinakadaku nga motibo, ikasarang, oportunidad kag sulok-sulok nga himuon ang krimeng pareho sini.

Ang disenyo sang terorismo nga ini indi lamang para pumatay, magkumpol, mamilas kag manghadlok—kon indi pumatay, magkumpol, mamilas kag manghadlok sang malaparan kag todo-todo. Handum sini indi lamang magkuha sang igtalupangod kag ispasyo sa mga pamantalaan—kon indi lubos nga bag-uhon ang kaundan sang mga pamantalaan. Handum sini nga lubos nga kog-on ang makangilil-

od nga mga iskandalo nga nahayag sa nagligad nga tatlo ka bulan kag palutson halin sa tuman kasukol gid nga kahimtangan ang ginakangil-aran kag himamatyon nga reaksyunaryo kag papet nga pagginahum ni Estrada kag mga kroni niya.

Ang eksplosibo nga gin-gamit mahibal-an nga C4 o *plastic* nga AFP kag PNP lamang ang may kuyat—luwas sa ginpalutson sang RAM sadtong 1989. Dululungan nga inatake ang mga target, upod ang duha o tatlo ka hugot nga gwardyado sa tion nga ara sa deklaradong *maximum alert* ang PNP. Ang kumplikasyon sang kabilugan nga operasyon nagatudlo sa isa nga pwera nga may daku nga organisasyon, matag-as nga lebel sang kahanasan nga militar, matag-as nga klase sang mga instrumento sa koordinasyon kag komunikasyon, kag suod nga kinaalam sa sistema sang seguridad sa mga partikular nga

Ginabantala sang Komite Sentral sang Partido Komunista ng Pilipinas

target kag sa kabilugan sang Metro Manila.

Ang pagpangbomba sa katapusan sang Disyembre, pagkatapos sang hangyo nga pagkuot kag pagpatay kay Luis “Chavit” Singson sadtong Oktubre, ang pagkuot kag pagpaumpow kay Bubby Dacer sadtong Nobyembre, ang malaparan nga *wiretapping* sa mga senador, oposisyunista kag mga elemento nga kontra-Estrada nga nahayag sadtong tunga-tunga sang Disyembre, ang mga pagpamahog kag pagpanilag sa mga testigo kontra kay Estrada—tanang nga ini nagapakita sang maathag nga padron sang nagapalala nga desperasyon sang kriminal nga pamensaron nga halin sa wala sang kahuloy-on nga pagpangkurakot nagapadulong sa arogante nga paghampang sa kinamatarung kag kabuhi sang mga kaaway sa pulitika kag kinaandan nga pumuluyo.

Nagakadapat tumuron gilayon kag bug-os nga pagbayaron sa hustisya ang utok kag mga matuod nga kriminal kag buligan ang mga biktima. Kadungan, nagakadapat pat-uron nga mapaslawan ang malaut nga katuyuan sang pagpangbomba. Indi magpahadlok sa pagpanghadlok. Indi magpalag-it sa madugong intriga. Indi pabay-an nga madiskaril sang terorismo ang kahublagan nga protesta. Malig-on nga iabanse ang paghimakas agud palayason ang mamaw sa Malakanyang bag-o matapos ang una nga kwarto sang tuig nga 2001.

Pareho sang pasulit-sulit nga gin-athag sang Partido

Komunista sa nagligad, ang paghimakas agud palayason si Estrada nakasalig kag nakasentro, labi sa ano pa man, sa ligal nga kahublagan nga protesta sa kasyudaran. Labi nga matuod ini subong sa pihak sang mga pagpangbomba sa Metro Manila. Nagakadapat malig-on nga magpursegir sa ligal nga paghimakas agud palayason si Estrada.

Sigun diri, liwat nga ginapahayag sang Partido Komunista ang desisyon sini nga tuyo nga pungan ang mga aksyong militar sa Metro Manila agud pat-uron ang pinakahalog nga kondisyon para sa pag-abanse sang ligal nga kahublagan nga protesta kag indi hatagan ang ginakangil-aran nga nagahari nga rehimeng Estrada sang kahigayunan nga gamiton ang mga operasyon nga partisano sang Bagong Hukbong Bayan sa Metro Manila agud lupigon kag gamoon ang kahublagan nga protesta.

Bisan man, sa atubang sang maathag nga padron sang nagasingki nga pasista nga terorismo kag paandam sang pagpamigos sa indi armado nga kahublagan nga masa, labi nga pagadugangan sang Bagong Hukbong Bayan ang mga taktikal nga opensiba sa kaumhan. Kinahanglan man nga palaparon kag pabaskugon ang kahublagan nga likom sa kasyudaran. Ang mga ini ang magapat-ud nga bisan padayon nga magub-an sang bait kag maghuramentado ang mamaw sa Malakanyang—padayon nga makapaghimud-os kag magaabanse ang paghimakas nga banwa. **AB**